



DAniel ex nobili familia Brendelorū ab Hom-
burg natus, & in omni genere uirtutum edu-
catus est. Is cum felici ingenio esset præditus, à pue-
ris operam literis dedit, & magnum earū usum sibi
comparauit. Accedebat & uitæ integritas, cum na-
turali quadam facundia. Itaq; cum adoleuisset, Mo-
guntiam peruenit, & in canonicorū collegium ca-
thedralis Ecclesiæ receptus fuit. In eo genere uitæ
tanta animi moderatione per gradus ascendens ui-
xit, ut post Sebastianum à Hausenstein electorem,
qui in Martio anno 1555 fato functus erat, communi-
bus suffragijs Archiepiscopus et Septemuir Mogū-
tinus eligeretur. Cum in tanta rerum eminētia con-

stitutus esset, nequaquam animū cum fortuna mutauit, uerū uitæ frugalita-
te & solita temperantia perseuerauit. In primis uerò loca quædam ab Alberto
marchione destructa reparauit, atq; Archiepiscopatū ad pristinum nitore re-
duxit. Itaq; factum ut hinc inde ob raram animi prudentiam in comitijs ma-
gnam sibi autoritatem apud alios principes compararit.